

Enn gefur Gísli á Grund

A fundi sem haldinn var á vegum Reykjavíkurráðsfrófastsdæmis, 9. apríl s.l. til þess að ræða um kirkju- og líknarmál, afhenti Gísli Sigurbjörnsson, forstjóri, séra Ólafi Skúlasyni, dómprófasti fimm milljónir króna gjöf til Reykjavíkurráðsfrófastsdæmis.

Sagði Gísli í ræðu sinni, að með gjöf þessari vildi hann og aðrir forystumenn Elliheimilisins Grund minnst líðins tíma, en á þessu ári eru 40 ár frá stofnun Reykjavíkurráðsfrófastsdæmis, en þó sérstaklega hvetja til enn meira starfs að líknar- og safnaðarmálum. Er ætlun gefanda, að stofnaður verði sjóður í vörslu dómprófasts, sem á næstu árum vaxi, unz hægt er að veita úr hon-

um til stuðnings kirkjulegu starfi í prófastsdæminu og jafnvel kirkjubýggingum.

Margir úr hópi presta og forystumanna sóknarnefnda og kvenfélaga urðu til að taka undir þakkarorð dómprófasts og minnst þeirra mörgu atvika frá líðnum árum, þegar Gísli Sigurbjörnsson veitti söfnubum styrk á margvislegan hátt. Enda er eldmóður hans og áhugi á kirkjulegum málum velþekktur og stuðningur hans mikils metinn.

Í samráði við Gísla mun dómprófastur kveðja til menn til að semja skipulagsskrá og finna leiðir til að efla sjóð þennan, svo að hann megi sem allra fyrst koma að góðum notum í prófastsdæminu, enda er víða fjár þörf.

Vigdís efst í Eyjum

BST — Skoðanakannanir vegna tilvonandi forsetakjörs fara fram víða um land. Nýlega fór fram slík skoðanakönnun meðal starfsfólks Ísfélags Vestmannaeyja. Í kosningunni tóku þátt 118 manns. Úrslitin urðu þannig:

Vigdís Finnbogadóttir varð efst með 53 atkv., Guðlaugur Þorvaldsson fékk 25, Albert Guðmundsson 15, Rögnvaldur Pálsson 3 atkv. og Pétur Thorsteinsson 2, en auðir og ógildir seðlar voru 20.

Sigurður Helgason á sáttafund með flugmönnum í dag

AM — Í dag kl. 9.30 hefjast að nýju viðræðufundir í flugmannadeilunni, en fyrir páska var ákveðið að gera nokkuð hlé á viðræðum, þar sem ákveðið var að Sigurður Helgason, forstjóri

Flugleiða sæti næsta fund, en hann var fjarverandi fyrir páska.

Guðlaugur Þorvaldsson, sáttasemjari ríkisins, sagði blaðinu í gær að nú mundi verða tekið til þar sem frá var horfið og mundi

Gunnar Schram, sem áður stýrði viðræðunum, en hefur verið erlendis að undanfögnu einnig sitja fundinn sem sáttasemjari.

Eins og kunnugt er hafa viðræðufundirnir til þessa einkum snúist um starfsaldurslistamálið og þá setið lengst af fulltrúar flugmannafélaganna einir.

Sumartími sundstaða lengdur um mánuð

— ýmsar minni háttar lagfæringar gerðar í samráði við fastagesti sundstaðanna

Kás — A fundi Íþróttaráðs Reykjavíkur í gær var samþykkt að leggja til við borgarráð að sumartími sundstaðanna í borginni yrði lengdur um einn mánuð. Hann hæfist nú 15. apríl í stað 1. maí áður, og lyki ekki fyrr en 15. september í stað 1. september áður.

Einnig var lagt til að sundstaðirnir yrðu opnir á þessum tíma frá því kl. 8 á morgnana til kl. 21 á kvöldin á virkum dögum, en til kl. 18 um helgar. Gildir þessi opnunartími bæði um Vesturbæjar- og Laugardalslaugina, og hefur aldrei verið lengri að því er Vesturbæjarlaugina varðar. Hins veg-

ar er lagt til að Sundhöllinn verði ekki opin lengur en til kl. 15 á sunnudögum.

A fundinum var lögð fram tillaga frá Eiríki Tómassyni, formanni Íþróttaráðs, um að gerðar verði ýmsar minniháttar lagfæringar á sundstöðunum í samræmi við óskir og ábendingar þeirra sem sækja þá að staðaldri, eftir því sem unnt er fjárhagslega.

„Hér er um ýmis atriði að ræða, sem ekki eru stór í sniðunum — en geta skipt þá verulegu máli sem reglulega sækja sundstaðina“, sagði Eiríkur Tómasson, í samtali við Tímann. Nefndi hann í því sambandi að sérstök um sólskyllum yrði fjölgað og þeim komið upp víðar en nú er, og gerðar yrðu ýmsar minniháttar breytingar og lagfæringar á húsnaði.

Alvöru trimmbraut í Laugardalnum?

Kás — A fundi Íþróttaráðs Reykjavíkurborgar í gær voru lagðar fram hugmyndir um að bæta aðstöðu trimmara í Laugardalnum, hugsanlega með því að leggja alvöru trimmbraut þar, sem boðið bæti upp á ýmsa möguleika hvað lengd varðar, og sem ef til vill mætti nota til skiba-göngu þegar svo vibræði að vetrarlagi.

Fyrirnefnd hugmynd var reifud í sambandi við verknið sem samstarfsnefnd þriggja nefnda á vegum borgarinnar vinnur nú að, þ.e. Íþróttaráðs, Æskulýðsráðs og Umhverfismálaráðs, um könnun á útivistarmöguleikum í borginni, sem gefið hefur verið nafnið „Líf í borg“.

Ef úr verður, þá er hugmyndin að trimmarar geti haft búningsaðstöðu í Laugardalslauginni, en síðar væri hugsanlegt að fjölga

þeim stöðum í dalnum, þar sem mögulegt væri að hafa fataskipti.

Heilbrigðisráðherra:

Skipar tóbaksnefnd

Heilbrigðis- og tryggingamálaráðherra skipaði hinn 27. mars s.l. nefnd sem fengið er það hlutverk að endurskoða lög nr. 27/1977 um ráðstafanir til þess að draga úr tóbaksreykingum með hliðsjón af fenginni reynslu undanfarinna ára.

Auk endurskoðunar laganna er nefndinni jafnframt falið að annast framkvæmd gildandi laga í samvinnu við ráðuneytið, þar til annað verður ákveðið. Kemur því

nefndin í stað Samstarfsnefndar um reykingarvarnir, sem skipuð var við gildistöku laga nr. 27/1977. Í hina nýju nefnd hafa verið skipuð:

Sigrún Stefánsdóttir, fréttamaður, Þorvarður Örnólfsson, framkvæmdastjóri, Auðólfur Gunnarsson, læknir, Björn Bjarnman, rithöfundur og Ingimar Sigurðsson, deildarstjóri og er hann jafnframt formaður nefndarinnar.

Foreldraráð Hvassaleitisskóla:

Mótmælir frestun á smíði íþróttahúss

KL — Nýkjörið foreldraráð Hvassaleitisskóla hefur nýlega sent Fræðsluráði Reykjavíkur bréf, þar sem það mótmælir þeirri ákvörðun ráðsins að fresta frekari framkvæmdum við smíði íþróttahúss skólans.

Í bréfi foreldraráðsins kemur fram, að Hvassaleitisskóli hefur

verið í smíðum í nær því tvo áratugi, en er þó enn ólokið. Smíði íþróttahússins hófst sumarið 1976, en er þó ekki lengra komið en svo, að þeim framkvæmdum, sem nú standa yfir, er ætlað að gera húsnaðið fókelt.

Allan starfsaldur skólans hafa nemendur hans orðið að sækja leikfímikennslu í aðra skóla. Þurfa þeir að fara yfir miklar umferðargötur, og þeir, sem fjarst búa, geta verið allt að hálf-tíma á leiðinni þangað.

Í kjallara væntanlegs íþróttahúss er gert ráð fyrir heilsgæsluabstöðu, en hún hefur engin verið í skólanum til þessa. Hefur því stundum orðið að fella niður kennslu í einhverjum bekknum, þegar skólalæknir hefur komið til eftirlits, til að rýma fyrir læknisköpuninni.

Upphafleg áætlun gerði ráð fyrir, að íþróttahúsið yrði tekið í notkun haustið 1980, en verði staðið við ákvörðun Fræðsluráðs um frestun framkvæmda við húsbygginguna er séð, að svo verður ekki fyrr en í fyrsta lagi á árinu 1981.



Fyrirferðarmesta verkið á sýningunni er „Níger til dýrðar“, batikverk eftir finnsku listakonuna Yosi Anaya. Er það alls 13 m að lengd, þar af hvíla 9 á gólfi, en 4 hanga. Tímamynd

Norræn vefjarlist á Kjarvalsstöðum

KL — A morgun verður sýningin Norræn vefjarlist II opnuð að Kjarvalsstöðum. Þetta er í annað sinn, sem slík sýning er sett upp hér á landi, fyrri sýningin var einnig að Kjarvalsstöðum, fyrir þrem árum.

Upphafið að þessu sýningarhaldi er það, að á árinu 1974 kom saman vinnuhópur veflistarmanna í Danmörku með það að markmiði að koma saman umfangsmikilli sýningu, sem gerði almenningi ljóst, að hér er sjálfstæð listgrein á ferðinni. Þá þegar höfðu ýmsir norrænir veflistarmenn vakið athygli með verkum sínum, bæði heima og erlendis. Þetta samstarf leiddi til fyrstu Norrænu vefjarlistsýningarinnar, sem opnuð var í Listasafninu í Alaborg 1976 og var síðan send um öll Norðurlönd.

Í upphafi var ákveðið að stefna

á því að koma upp slíkri sýningu á þriggja ára fresti, og var ömur sýningin opnuð í Röðsska listibnaðarsafninu í Gautaborg í fyrra-ásum. Er það hún, sem nú lýkur ferð sinni um Norðurlönd með viðvöl á Kjarvalsstöðum. A sýningunni eru 93 listaverk eftir 87 listamenn frá öllum Norðurlöndunum, þar af eiga íslenskir höfundar 8 verk.

Fjöldi sjóða og stofnana styrkir sýninguna, þ.a.m. menntamálaráðuneyti allra Norðurlandanna.

Undirbúning og uppsetningu hafa annast þær Asgerður Búa-dóttir, Asrún Kristjánsdóttir og Þorbjörg Þórðardóttir. Þeim til aðstoðar hafa verið þeir Stefán Halldórsson og Guðmundur Benediktsson.

Sýningin að Kjarvalsstöðum verður opin til 4. maí.